

Ugovorne strane:

Institut za historiju Univerziteta u Sarajevu, Podgaj 6, koji zastupa direktor Instituta **dr. Sedad Bešlija**, u daljem tekstu *izdavač*,

i

Bošnjački institut – Fondacija Adila Zulfikarpašića, koji zastupa direktor **prof. dr. Faris Gavrankapetanović**, ulica Mula Mustafe Bašeskije 21, u daljem tekstu *suizdavač*,

i

J. U. Historijski arhiv Sarajevo koji zastupa direktor **Haris Zaimović**, ulica Alipašina 19, u daljem tekstu *suizdavač*,

zaključili su dana 23. 09. 2021. godine

UGOVOR O SUIZDAVAŠTVU AUTORSKOG DJELA

Član 1.

Ovim ugovorom reguliraju se međusobna prava i obaveze između Instituta za historiju i Bošnjačkog instituta – Fondacije Adila Zulfikarpašića i Historijskog arhiva u cilju izdavanja jednog izdanja knjige *Izvori za historiju srednjovjekovne Bosne (Ispisi iz knjiga notarijata Državnog arhiva u Dubrovniku 1370-1529)*, u 3 toma autora prof. dr. Esada Kurtovića i dr. Almira Pece, a koji ustupaju pravo objavljivanja suizdavačima.

Član 2.

Za potrebe izrade publikacije iz člana 1. ovog ugovora Odlukom ravnateljice Državnog arhiva u Dubrovniku Nikoline Pozniak, Klasa: 612-06/21-01/89, Ur. Br. 2117-33-01-21-1 od 08.09.2021. godine dozvoljeno je objavljivanje sljedećeg arhivskog gradiva: Fond: Arhiv Dubrovačke Republike i francuske uprave; Serija: Diversa Notariae; Svesci: 9-100 (bez sveska 31) koje obuhvaćaju vremenski period 1370-1529 godine, ukupno: 2013 dokumenata, kao i korištenje digitalnog snimka navedenog gradiva.

Član 3.

Sa autorima će izdavač zaključiti poseban ugovor.

Član 4.

Za potrebe izdavanja djela formirano je uredništvo koje čine predstavnici izdavača i suizdavača.

Član 5.

Uredništvo će voditi sve procese izdavanja djela.

Član 6.

(1) Izdavač i suizdavači se obavezuju da će ravnopravno sudjelovati u finansiranju štampanja navedenog djela kao i svim ostalim radnjama u procesu izdavanja knjige.

(2) Izdavač i suizdavači će sudjelovati u finansiranju štampanja u sljedećim iznosima: Institut za historiju iznos od 3.000,00 KM (slovima: tri hiljade konvertibilnih maraka), Bošnjački institut – Fondacija Adila Zulfikarpašića iznos od 3.000,00 KM (slovima: tri hiljade konvertibilnih maraka), Historijski arhiv iznos od 3.000,00 KM (slovima: tri hiljade konvertibilnih maraka).

(3) Suizdavači će izvršiti prenos gore navedenih sredstava u skladu sa Instrukcijom za uplatu kako slijedi:

Depozitni račun Kantona Sarajevo: 141 196 532 00084 75 BBI Banka

Budžetska organizacija Institut za historiju – 3502028

Općina: 077

Vrsta prihoda: 733 112

Poziv na broj: 0000000053

Član 7.

(1) Tiraž djela je 200 komada.

(2) Tiraž će se raspodijeliti na sljedeći način: autorima pripada po 25 komada tiraža, izdavaču 50 komada i suizdavačima po 50 komada.

Član 8.

Deset (10) obaveznih primjeraka knjige za Nacionalnu i univerzitetsku biblioteku Bosne i Hercegovine dostavit će se na sljedeći način i to: četiri (4) primjerka će dostaviti izdavač i po tri (3) primjerka suizdavači.

Član 9.

Period realizacije predmeta ugovora započinje danom potpisivanja ugovora a završava do 01.12.2021.godine.

Član 10.

Za sve što nije izričito regulisano ovim ugovorom, primjenjivat će se odredbe Zakona o autorskom i srodnim pravima i Zakona o obligacionim odnosima.

Član 11.

Eventualne sporove, koje se ne mogu riješiti mirnim putem a proistekle iz ovog Ugovora, rješava nadležan Općinski sud u Sarajevu kao stvarno i mjesno nadležan.

Član 12.

Ugovor je sačinjen na tri (3) stranice u šest (6) primjeraka od čega svaka strana zadržava po dva primjerka.

Institut za historiju UNSA

Direktor:

Dr. [redacted]

Br. [redacted]

Datum: 23.09.2021.



Bošnjački institut – Fondacija Adila Zulfikarpašića

Direktor:

Prof. dr. Feris Gavrankapetanović

[redacted]

09/21

Datum: 23.09.2021.



J.U. Historijski arhiv

Direktor:

[redacted]

Datum: 23.09.2021.

